



UPA 2014/111.1
8. april 2014
Agathe Fontain

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imaattoq saqqummiuppara:

Nunatsinni innarluutilinnik sullissisuusut ilinniagaqarnissamut piginnaangorsarnissamullu pisariaqartitaat aallaavigalugit Naalakkersuisut iliuusissamik sulissamullu piareersaasiamik innarluutilinnik sullissinermi piginnaangorsarnissamut pisariaqartitat tamakkiisumik pigilernissaannut tikkuussisunik UPA 2015-mut saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Ruth Heilmann, Siumut)

Siunnersuuteqartup Inatsisartunut ilaasortap Ruth Heilman-p iliuusissatut, suliamillu piareersaasiamik peqqusinera imatut oqaaseqarfigissavarput.

Inuit Ataqatigiinni pingaartitaraarput, inunnik sullissisuusut ilinniagaqarsimasuunissaat. Inunnik sullissineq imaannaangitssuvoq, ilisimasassat pingaaruteqartuupput, ilisimasakinnerummi kingunipilorisinnaasai imaannaangitsuusinnaapput. Taamaamat sapinngisaq tamaat atorlugu iliniarsimasunik sulisoqarnissaq sallahsaatittariaqaripput isumaqarpugut.

Sulilu pingaaruteqarpoq, innarluutilinnik sullissineq iliniagaqarsimanermik aallaaveqarnissaa.

Nalunngilarpulli amerlasuutigut bokollektivini, utoqqaat illuini, ulloq unnu arlu angerlarsimaffinni iliniarsimmanermik allagartaqanngikkaluarluartunik sulilluatunilli sulisoqartoq, qutsavigisassatinnik. Sapinngisartik tamaat sulipput, ilaqartarpullu inuttut pissutsimikkut inulerillaqqissutsimik pigisagarnertik naapertorlugu, sullitaminnit iluarisimaarneqarlutik pisunik, ilaaitigullu iliniarsimasunut sanillersuulluarsinnaassunik.

Siullermik erseqqissaatigilaaqqarusupparput, pineqartuni bokollektivini, orniguttarfinni, utoqqaat illuini, sulisut amerlanertigut tassaammata kommuneni atorfeqartut.

Ullumikkut akisussaaffinnik pisussaaffinnilu agguataarineq imaammat, sulisitsisoq tassaammaat, sulisuminnut pikkorissaanermik isumaginnittussaasoq.

Siunnersuuteqartup tunngavilersuutigisamini, sulisitsisutik aqutigeqqaar-nagit pikkorissarnissamik qinnuteqarsinnaasariaqarnerat angorusuppaa.

Tamanna ajornartorsiutinik nassataqarsinnaasoq takusinnaavarput, sulisit-sisormi tassaavoq akuersisussaqaq, akiliisussarlu. Sulisitsisorlu aamma taan-naammat sulisunik aqutsisoq. Sulisummi sulisitsisortik apereqqaar-nagu pikkorissariartalerniarpata pissusissamisoornaviannilaq.

Naalakkersuisut iliusissanik suliaqaqquneqarput.

2006-miilli ilinniartitsinermut periusissat pillugit nassuiaatit, EU-p piima-saqaataanut suliakkiussaapput.

Inuit Ataqtigiinni naatsorsuutigilluinnarparput ilinniarteqqiinerit pilersaa-rutit atorlugit ingerlanneqartut.

Naalakkersuisut akissuteqaamminni ersarissarpaat, ilinniagaqarnissamut periarfissat assigiingitsut ullumikkut ingerlasut inissisimani. Oqartaria-qarpugut iliniagaqarnissamut kajumikkaanni ullumikkut periarfissaqarlu-armat. Iliniagaqarnissamullu kaammattueqqikkusuppugut, iliniagaqarsima-neq peqqissimissutissaqaqngimmat.

Naalakkersuisullu akissutiminni periusissamik pilersaarutitalimmik, innar-luutilinnik sullissit iliniagaqarnissaannik, piginnaanngorsaqqinnissaan-nillu saq-qummiussiniarnerat iluaraarput.

Takorlooratsigu, assersuutigalugu, tarnimikkut nappaatillit sullinnissaaa-nut periusissiaq, ineriartormikkut innarluutilinnut periusissiaq, ADHD-nut periusissiaq, autistitut periusissiaq, timimikkut innarluutilinnut periu-sissiaq il.il., taakkununga assingusumik immikkut aamma peqalersinnaa-nerput.

Soorunami naatsorsuutigaarput periusissiami erserumaartoq, iliniagaqa-reersunut pikkorissaqqiinerit, minnerunngitsumillu siunnersuuteqartup pi-saanut, tassa iliniagaqarsimanatik sulisuusunut piginnaanngorsaqqinnis-saannut pilersaarutitalik.

Taammatut oqaaseqarluta ilinniartitaanermut ataatsimiititaliamut inger-lateqqipparput.